

七十二家集

梁簡文帝御製集卷之二

梁太宗簡文皇帝蕭綱著

樂府

上之回

前旂拂回中後車臨桂宮
輕絲駐雲罕春色繞川風
桃林方灼灼柳路日曛曛
笳聲駭胡騎清磬驚山戎
微臣今拜手願帝永無窮

採桑

春色映空來先發院邊梅
細萍重疊長新花歷

亂開連珂往淇上接輿至叢臺叢臺可憐妾當
窻望飛蝶忌跌行衫領熨斗成裙襪下牀著珠
珮提鏡安花鐸薄晚畏蠶饑競採春桑葉寄語
採桑伴訝今春日短枝高攀不及葉細籠難滿
年年將使君歷亂遣相聞欲知琴裏意還贈錦
中文何當照梁日還作入山雲重門皆已閉方
知畱客袂可憐黃金絡複以青絲繫必也爲人
時誰令畏夫壻

樂府三首

蜀國絃歌篇

銅梁指斜國

王莖云銅梁望絕國

劒道望

英華作臨

中區通星

上分野作固下爲都雅歌因良守妙舞自巴渝

陽城嬉樂所劒騎鬱相趨五婦行難至百兩好

遊娛牲祈望帝祀酒醑蜀侯姝江妃納重聘卓

女夢將雛停弦時繫爪息吹更治朱脫衫前錦

浪迴扇避陽烏聞君握節返賤妾下城隅

豔歌篇

凌晨光景麗倡女鳳樓中前瞻削成小徬望卷

旌空分妝開淺靨繞臉傳斜紅張琴未調軫飲
吹不全終自知心所愛出入仕秦宮誰言連尹
眉更是莫敖通輕輶綴阜蓋飛轡轢雲驄金鞍
隨繫尾銜環馱經驤戈鏤荆山玉劒飾丹陽銅
左把蘇合彈傍持大屈弓控弦因鵲血挽繯一作
調用牛嶠戈獵多豸隴酣歌每入豐暉暉隱落
日冉冉還房櫳燈生陽燧火塵散鯉魚風流蘇
時下帳象簾復韜筒霧暗窗前柳寒疎井上桐
女蘿託松際甘瓜蔓井東拳拳恃君寵歲暮望

無窮

妾薄命篇

名都多麗質本自恃容姿蕩子行未至秋胡無
定期玉貌欺紅臉長顰串一作慣翠眉奩鏡迷朝

色縫鍼脆故絲本異搖舟咎何關竊席疑生離

誰拊背湓死詎來遲王嬙貌本絕踉蹌入氍毹

盧姬嫁日晚非復少年時轉山猶可遂烏白望

難期

一作追

妾心徒自苦傍人會見嗤

君子行

君子懷琬琰不使涅塵淄從容子雲閣寂寞仲
舒惟多謝悠悠子管窺良可悲

從軍行

貳師惜善馬樓蘭貪漢財前年出右地今歲討
輪臺魚雲望旗聚龍沙隨陣開冰城朝浴鐵地
道夜銜枚將軍號令密天子璽書催何時反舊
里遙見下機來

長安有狹斜行

長安有徑塗塗徑不通輿道逢雙總卯扶輪問

我居我居青門北可憶復易尋大息騫金勒中
息綰黃銀小息始得意黃頭作弄臣三息俱入
門雅志揚清塵三息俱上堂觴肴滿四陳三息
俱入戶照耀光容新大婦舒綺綢中婦拂羅巾
小婦最容冶映鏡學嬌顰丈人且安坐清謳出
絳脣

泛舟橫大江三首

魏文帝飲馬長城窟行曰
泛舟橫大江討彼犯荆虜

滄波白日暉遊子出王畿旁望重山轉前觀遠

身自不歸身
帆稀廣水浮雲吹江風引夜衣旅鴈同洲宿寒
鳬夾浦飛行客誰多病當念早旋歸

隴西四戰地羽檄歲時聞護羌擁漢節校尉立
元勲石門留鐵騎冰城息夜軍洗兵逢驟雨送
陣出黃雲沙長無止泊水脈屢縈分當思勒彝
鼎無用想羅裙

悠悠懸旆旌知向隴西行滅竈驅前馬銜枚進
後兵沙飛朝似幕雲起夜疑城迴山時阻路絕
水亟稽程往年鄧支服今歲單于平方歡凱樂

盛飛蓋滿西京

鴈門太守行二首

輕霜中夜下黃葉遽辭枝寒苦春難覺邊城秋
易知風急旂旗斷塗長鎗馬疲少解孫吳法家
本幽并兒非關買鴈肉徒勞皇甫規

隴幕風恒急關寒霜自濃櫪馬夜方思邊衣秋
未重潛師夜接戰略地曉摧鋒悲笳動胡塞高
旗出漢墉勤勞謝功業清白報迎逢非須主人
賞寧期定遠封單于如未繫終夜慕前蹤

京洛篇

樂府作煌煌京洛行列鮑照後而逸作者之名或以爲鮑詩非也

南遊偃師縣斜上灞陵東回瞻龍首堞遙望德陽宮重門遠照耀天閣復穹窿城傍疑複道樹裏識松風黃沙入洛水丹泉繞射熊夜輪懸素魄朝光蕩碧空秋霜曉驅驅春雨暮成虹曲陽造甲第高安還禁中劉蒼歸作相竇憲出臨戎此時車馬合茲晨冠蓋通誰知兩京盛歡宴遂無窮

權歌行

妾家住湘川菱歌本自便
風生解刺浪水深能
捉船葉亂由牽荇絲飄
爲折蓮濺妝疑薄汗沾
衣似故前浣紗流暫濁
汰錦色還鮮叅同趙飛
燕借問李延年從來入
絃管誰在櫂歌前

怨歌行

十五頗有餘日照杏梁
初蛾眉本多嫉掩鼻持
成虛持此傾城貌翻爲
不肖軀秋風吹海水寒
霜候玉除月光臨戶駛
荷花依浪舒望簷悲雙
翼窺沼泣前魚苔生履
處沒草合行人踈裂紈

傷不盡歸骨恨難祛早知長信別不避後園興

美女篇

佳麗盡關情風流最有名約黃能效月裁金巧
作星粉光勝玉靚衫薄擬蟬輕密態隨流臉嬌
歌逐軟聲朱顏半已醉微笑隱香屏

鬪雞

歡樂良無已東郊春可遊百花非一色新田多
異流龍尾橫津漢車箱起戍樓玉冠初警敵芥
羽忽猜儔十日驕旣滿九勝勢恒適脫使田饒

見堪能說魯侯

苦熱行

六龍驚不息三伏起炎陽寢興煩几案俯仰倦
幃牀滂沱汗似鑠微靡風如湯洄池愧玉浪蘭
殿非含霜細簾時半卷輕幌乍橫張雲斜花影
沒日落荷心香願見洪崖井詎憐河朔觴

茱萸女

茱萸生狹斜結子復銜花遇逢纖手摘濫得映
鉛華雜與鬟簪插偶逐鬢鈿斜東西爭贈玉縱

橫來問家不無夫婿馬空駐使君車

棗下何纂纂

古咄咄歌曰棗下何
纂纂榮華各有時

垂花臨碧澗結翠依丹巘非直入游官兼期植
靈苑落日芳春暮遊人歌吹晚弱刺引羅衣朱
實凌還憶且歡洛浦謠無羨安期遠

金樂歌

槐香欲覆井楊柳正藏鷗出鑪好無比玉構火
窓餘牀頭辟繩結鏡上領巾斜鐵鑊種梁子銅

樞生聚花開門拋水柱

一作信

城被特言家

行幸甘泉宮

雉歸海永寂裘來重譯通吉行五十里隨處宿
離宮鼓聲恒入地塵飛上暗空尚書隨豹尾太
史逐相風銅鳴周國鏃旗曳楚雲虹倖臣射覆
罷從妓新歌終董逃拜金紫賢妻侍禁中不羨
神仙侶排煙逐駕鴻

有所思

昔未離長信金翠奉乘輿何言人事異夙昔故

恩疎寂寞錦筵靜玲瓏玉殿虛掩閨泣團扇羅
幌詠薜蘿

和湘東王橫吹曲三首

折楊柳

樂府作柳
憚者非

楊柳亂成絲攀折上春時葉密鳥飛礙風輕花
落遲城高短簫發林空畫角悲曲中無別意併
是爲相思

洛陽道

洛陽佳麗所大道蒲春光遊童初挾彈蠶妾始

橫簪金鞍照龍馬羅袂拂春桑玉車爭晚入潘
果溢高箱

紫驢馬

賤妾朝下機正值良人歸青絲懸玉鐙朱汗染
香衣驟急珂彌響踣多塵亂飛彫菰幸可薦故
心君莫違

長安道

神臯開隴右陸海實西秦金槌

一作推輪

抵長樂複

道向宜春落花依度幃垂柳拂行輪

一作人

金張

及許史夜夜尚留賓

江南思

江南有妙伎時則應璿樞月暈蘆灰缺秋還懸
炭枯含丹和九轉芳樹蔭千株何辭天后誚終

是列一作仙都

江南行

桂檝晚應旋歷岸扣輕舷紫荷擎釣鯉銀

一作銅

佳插短蓮人歸浦口暗那得久迴船

雞鳴高樹顛

碧玉好名倡夫婿侍中郎桃花全覆井金門半
隱堂時欣一來下復北雙鴛鴦雞鳴天上早東
島定未光

明君詞

玉璫光瑤質金鈿婉黛紅一去葡萄觀長別披
香宮秋簷照漢月愁帳入胡風妙工偏見詆無
出情恨通

當置酒

陸士衡集亦載此詩
今從樂府作簡文

置酒宴嘉賓矚迥臨飛觀絕嶺隔天餘長嶼橫

江半日色花上綺
風光水中亂
三益旣歲蕤
四始方蕊粲

詠中婦織流黃

翻花蒲階砌
愁人獨上機
浮雲西北起
孔雀東南飛
調絲時繞腕
易鐏乍牽衣
鳴梭逐動釧
紅妝映落暉

豔歌曲

雲楣桂成戶
飛棟杏爲梁
斜窗通並氣
細隙引塵光
裁衣魏戶尺
汲水淮南牀
青驪暮當返
預

使羅裙香

怨詩

秋風與白團本自不相安新人及故愛意氣直
能寬黃金肘後鈐白玉案前盤誰堪空對此還
成無歲寒

採蓮曲

晚日照空磯採蓮承晚暉風起湖難度蓮多摘
未稀棹動芙蓉落船移白鷺飛荷絲傍繞腕菱
角遠牽衣

霹靂引

來從東海上發自南山陽時聞連鼓響乍散投
壺光飛車走四瑞繞電發時祥令去於斯表殺
來永傳芳

雉朝飛操

晨光照麥畿平野度春暈避鷹時聳角妬壠或
斜飛少年從遠役有恨意多違不如隨蕩子羅
袂拂塵衣

貞女引

借問懷春臺百尺凌雲霧
北有歲寒松南臨女貞樹
庭花對帷箔隙月依枝度
但使明妾心無嗟坐遲暮

龍丘引

龍丘一回首楚路蒼無極
水照弄珠影雲吐陽臺色
浦狹村煙度洲長歸鳥息
遊蕩逐春心空憐無羽翼

當壚曲

十五正團圓流光蒲上蘭
當壚設夜酒宿客解

金鞍迎來挾琴易送別唱歌難欲知心恨急翻
令衣帶寬

昇仙篇

少室堪求道明光可學仙丹繒碧林宇綠玉黃
金篇雲車了無轍風馬詎須鞭靈桃恒可餌幾
迴三千年

愛妾換馬

功名幸多種何事苦生離誰言似白玉定是媿
青驪必取匣中釧迴作飾金羈真成恨不已願

得路傍兒

半路溪

樂府作
元帝

相逢半路溪隔溪猶不渡望望判知是翩翩識
行步摘贈蘭澤芳欲表同心句先將動舊情恐
君疑妾妬

擬沈隱侯夜夜曲

靄靄夜中霜河開向曉光枕啼常帶粉身眠不
著牀蘭膏盡更益薰鑪滅復香但問愁多少便
知夜短長

獨處怨

獨處恒多怨開幕試臨風彈綦鏡奩上傳粉高樓中自從一作君征馬去音信不曾通只恐金屏掩明年已復空

代樂府三首

楚妃歎

幽閨情脈脈漏長宵寂寂草螢飛夜戶絲蟲繞秋壁薄笑未爲欣微歎還成戚金簪鬢下垂玉筓衣前滴

新成安樂宮

遙看雲霧中刻棹映丹紅珠簾通曉日金華拂
夜風欲知歌管處來過安樂宮

雙桐生空井

魏明帝猛虎行
曰雙桐生空井

季月雙桐井新枝雜舊株晚葉藏棲鳳朝花拂
曙鳥還看西子一作雅子照銀牀繫轡轡

雍州曲三首

南湖

南湖荇葉浮復有佳期遊銀綸翡翠鈎玉軸
芙蓉舟荷香亂衣麝撓聲隨急流

北渚

岸陰垂柳葉平江含粉堞好值城傍人多逢蕩
舟妾綠水濺長袖浮苔染輕棹

大堤

宜城斷中道行旅亟留連出妻工織素妖姬慣
數錢炊彫畱上客貰酒逐神仙

大垂手

樂府作
吳均

垂手忽迢迢飛燕掌中嬌羅衣恣風引輕帶任
情搖詎是長沙地促舞不回腰

小垂手

舞女出西秦躡影舞陽春且復小垂手廣袖拂
紅塵折腰應兩袖頓足轉雙巾蛾眉與曼臉見
此空愁人

有所思三首

可歎不可思可思不可見餘絃斷瑟柱殘朱染
歌扇

寂寂暮檐響黯黯垂簾色唯有甌甌苔如見蜘蛛織

入林看磳礪春至定無賒何時一可見更得似梅花

蜀道難二首

建平督郵道魚復永安宮若奏巴渝曲時當君思中

巫山七百里巴水三迴曲笛聲下復高猿啼斷還續

採菱曲

菱花落復含
桑女罷新蠶
桂棹浮星艇
徘徊蓮葉南

別鶴

一作鳥
栖曲

接翩同發燕
孤飛獨向楚
值雪已迷群
驚風復失侶

生別離

別離四弦聲
相思雙笛引
一去十三年
復無好音信

夜夜曲二首

北斗闌干去夜夜心獨傷月輝橫射枕燈光半

隱牀

樂府作
沈約

愁人夜獨傷滅燭卧蘭房祗恐多情月旋來照
妾牀

春江曲

客行祗念路相爭度京口誰知堤上人拭淚空
搖手

桃花曲

但使新花豔得聞美人簪何須論後實怨結子
瑕心

樹中草

幸有青袍色聊因翠幄凋雖聞珊瑚蒂非是合
歡條

上留田行

以下
七言

正月土膏初欲發天馬照耀動農祥田家斗酒
羣相勞爲歌長安金鳳凰

烏夜啼

綠草庭中望明月碧玉堂裏對金鋪鳴弦撥
撥發初興挑琴欲吹衆曲殊不疑三足朝含影直
言九子夜相呼羞言獨眠枕下淚託道單樓城
上烏

烏樓曲四首

芙蓉作船絲作紉北斗橫天月將落採蓮渡頭
擬黃河卽今欲渡畏風波
浮雲似帳月如鉤那能夜夜南陌頭宜城投泊
今行熟停鞍繫馬暫棲宿

青牛丹轂七香車可憐今夜宿倡家倡家高櫺
烏欲棲羅帷翠帳向君低
織成屏風金屈膝朱脣玉面燈前出相看氣息
望君憐誰能含羞不自前

採菊篇

月精麗草散秋株洛陽少婦絕妍姝相呼提筐
採菊珠朝起露濕霑羅襦東方千騎從驪駒更
豈一作不下山逢故夫

東飛伯勞歌二首

一云
古歌

翻階蛺蝶戀花情容華飛燕相逢迎誰家總角
岐路陰裁紅點翠愁人心天窻綺井暖徘徊珠
簾玉篋明鏡臺可憐年幾十三四工歌巧舞入
人意白日西落楊柳垂含情弄態兩相知

西飛迷雀東羈雉倡樓秦女乍相值誰家妖麗
隣中止輕妝薄粉光間里綢戶珠綴曲瓊鈎芳
茵翠被香氣流少年年幾方三六合嬌聚態傾
人目餘香落蘂坐相催可憐絕世爲誰媒

雞鳴篇

樂府作劉孝威
○以下雜言

塒雞識將曙長鳴高樹顛啄葉疑障羽排花強
欲前意氣多驚舉飄颻獨無侶陳思助鬪協狸
膏郤昭妬敵安金距丹山可愛有鳳凰金門飛
舞有鴛鴦何如五德美豈勝千里翔

度關山

關山遠可度遠度復難思直指遮歸道都護總
前期力農爭地利轉戰逐天時材官蹶張皆命
中弘農越騎盡擐旗擐旗遠不息驅虜何窮極
狼居一封難再覩閼氏永去無容色銳氣且橫

行朱旗亂日精先屠光祿塞却破夫人城
凱歌還舊里非是銜功名

從軍行

雲中亭障羽檄驚甘泉烽火通夜明貳師將軍
新築營嫖姚校尉初出征復有山西將絕世愛
雄名三門應遁甲五壘學神兵白雲隨陣色蒼
山答鼓聲迤邐觀驚翼參差覩鴈行先平小月
陣却滅大宛城善馬還長樂黃金付水衡小婦
趙人能鼓瑟侍婢初笄解鄭聲庭前桃花飛已

合必應紅妝起見迎

隴西行

邊秋胡馬肥雲中驚寇入勇氣特無侶輕兵救
邊急沙平不見虜嶂嶮還相及出塞豈成歌經
川未遑汲烏孫塗更阻康居路猶澁月暈抱龍
城星流照馬邑長安路遠書不還寧知征人獨
佇立

江南弄三首

樂府英華並作昭明
今從藝文作簡文

江南曲

和云陽春路時使佳人度

枝中水上春併歸長楊掃地桃花飛清風吹人
光照衣光照衣景將夕擲黃金畱上客

龍笛曲

和云江南弄真能下翔鳳

金門玉堂臨水居一嘯一笑千萬餘遊子去還
願莫疎願莫疎意何極雙鴛鴦兩相憶

採蓮曲

和云採蓮歸淥水好沾衣

桂檝蘭橈浮碧水江花玉面兩相似蓮疎藕折
香風起香風起白日低採蓮曲使君迷

梁簡文帝御製集卷之三

梁太宗簡文皇帝蕭綱著

詩

三日侍皇太子曲水宴

以下
四言

震德叶靈年芳節淑濯伊臨灞蕩心愉目驤騎
晨野樅金曉陸蕙氣卷旌神飈擎轂層岑偃蹇
聳觀岩巖烟生翠幕日照綺寮銀華晨散金芝
暮掃綠水動葉丹距映條顧惟菲薄徒承恩裕
藝學未優聲績不樹豈辯河書寧摘淮賦徒偶

群龍終慚並馭

九日侍皇太子樂遊苑

離光麗景神英春裕副極儀天金鏘玉度監撫
昭明善物宣布惠潤崑瓊澤熙垂露秋晨精曜
駕動宮闈露點金節霜沈玉璣玄戈側影翠羽
翻暉庭廻鶴盖水照犀衣蘭羞薦俎竹酒澄芬
千音寫鳳百戲承雲紫燕躍武赤兔越空橫飛
鳥箭半轉馳弓

應令詩

微軀多幸接萼嘉運紫幄承慈青衿稟訓傍玉
流溫依蘭染薰百氏旣洽六義乃摛辭河瀉潤
高論忘疲翠幙晨宇朱花夜池牕斜八綺燈懸
百枝

愍亂詩

朱昇蒙倖在朝側目雖太子亦不能平
及侯景亂圍城城內咸尤昇簡文爲四
詩言

瞻彼阪田嗟斯氛霧謀之不臧褰我王度

上巳侍宴林光殿曲水

以下
五言

芳年留帝賞應物動天襟挾苑連金陣分衢度
羽林帷宮對廣掖層殿邇高岑風旗爭曳影亭
臯初學
作午共生陰林花初墮蒂池荷欲吐心

和武帝宴詩二首

校尉開疎勒將軍定月支南通新息柱北屈武
陽碑豫遊戲馬館教戰昆明池銀塘瀉清渭銅
溝引直漭常從良家子命中幽并兒金鞍飾紫
佩玉燕帖青驪車書今已共願奏云亭儀

祭壺今息鼓董案或開帷聊舉青龍陣正取絳

官時犒兵隨後拒輟祭逐前師軍門初露節步
陳始分旗

侍遊新亭應令

神襟愍行邁岐路愴徘徊遙瞻十里陌徬望九
城臺鳳管流虛谷龍騎藉春蕤曉光浮野暎朝
烟承日迴沙文浪中積春陰江上來柳葉帶風
轉桃花含雨開聖情蘊珠綺札命表英才顧憐
賦硃質何以儷瓊瓌

奉和登北顧樓

春陵佳麗地濟水鳳凰宮況此徐方域川岳邁
周禮皇情愛歷覽遊涉擬崆峒聊驅式道候無
勞襄野童霧崖開早日晴天歇晚虹去帆入雲
裏遙星出海中

登烽火樓

聳樓排樹出却堞帶江清陟峰試遠望鬱鬱盡
郊京萬邑王畿曠三條綺陌平亘原橫地險孤
嶼派流生悠悠歸棹入渺渺去帆驚水烟浮岸
起遙禽逐霧征

玩漢水

雜色崑崙水泓澄龍首渠豈若茲川麗清流疾
且徐離離細磧淨藹藹樹陰疎石衣隨溜卷水
芝扶浪舒連翩寫去檝鏡澈倒遙墟聊持點纓
上於是察川魚

庾肩吾奉和泛舟漢水往萬山應教附
桂棹染棠船飄揚橫大川映巖沈水底激浪
起雲邊迥岸高花發春塘細柳懸陪歌承睿
賞接醴侍恩筵誰云李與郭獨得似神仙

登城

日影半東簷靖念空杼軸小堂倦縹書華池厭
脩竹寂寞旣寡悰登城望原陸遙山半吐雲巖
飈時響谷靡靡見虛煙森森視寒木落霞乍續
斷晚浪時廻復遠矚旣濡翰徒自勞心目短歌
雖可裁緣情非霧縠

山池

日暮芙蓉水聊登鳴鶴舟飛鱸飾羽萐長幔覆
緹油停輿依柳息住蓋影空留古樹橫臨沼新

藤上挂樓魚遊向閣集戲鳥逗楂流

庾肩吾山池應令附

閨苑秋光暮金塘收潦清荷低芝蓋出浪涌
燕舟輕逆湍流棹唱帶谷聚笳聲野竹交臨
浦山桐迥出城水逐雲峰闇寒隨殿影生

鮑至山池應令附

望園光景暮林觀歇霧埃荷疎不礙櫂石淺
好縈苔風光逐榜轉山望向橋開樹交樓影
沒舂暗水光來

王臺卿山池應令附

歷覽周仁智登臨歡豫多穿渠引金谷闢道
出銅駝長橋時跨水曲閣乍臨波巖風生竹
樹池香出芰荷石幽銜細草林末度橫柯

徐陵奉和山池附

羅浮無定所鬱島屢遷移不覺因風雨何時
入後池樓臺非一勢臨翫自多奇雲生對戶
石援桂入欄枝

又山池應令附

畫舸圖仙獸飛鯉挂來遊榜人事金槳釣女
飾銀鈎細萍時帶機低荷乍入舟猿啼知谷
晚蟬咽覺山秋

庾信奉和山池附

樂宮多暇豫望苑暫廻輿鳴笳陵絕浪飛蓋
歷通渠桂亭花未落桐門葉半疎荷風驚浴
鳥橋影聚行魚日落含山氣雲歸帶雨餘

贈張纘

儀表咸推挹墻仞難窺踐旣富垂帷學復折波

濤辨綺思暖霞飛清文煥飈轉朱旗赫容與雕
蔡紛曜煜波搖白鯉舟風動蒼鷹舳九疑勢參
差江天和蔽虧三春澧浦葉九月洞庭枝洞庭
枝嬈娜澧浦葉參差芬芳與槎落俱應傷別離
餞廬陵內史王脩應蔡

餞行臨上節開筵命羽觴迴池瀉飛棟濃雲垂
畫堂疎槐未合影仄日暫流光園梅斂新藻一作
豔階蕙結初芳

餞臨海太守劉孝儀蜀郡太守劉孝勝

礪石臨東海峨嵋距西候兩杜背夾河二龍今
出守方無夜大驚向息神牛關涼風遶輕幕
雨交新溜念此一銜觴懷離在惟舊

經琵琶峽

山來歷山川此地獨廻還百嶺相紆蔽千崖共
隱天橫峰時礙水斷岸或通川還瞻已迷向直
去復疑前夕波照孤月山枝歛夜烟此時愁緒
密



魂九遷

仙客

漆水豈難變桐刀乍可揮青書長命織紫水芙蓉
衣高翔五岳小低望九河微穿池聽龍長叱
石待羊歸酒闌時節久桃生歲月稀

往虎窟山寺

考藝文此詩簡文帝作弘明
集所載王回諸臣和詩可證

也弘明集作江令詩
蓋有脫簡案誤耳

塵中喧慮積物外衆情捐茲地信爽塏墟壑暖
阡綿藹藹車徒邁飄飄旌旄懸細松斜遶逕峻
嶺半藏天古樹無枝葉荒郊多野煙分花出黃
鳥挂石下新泉蔚鬱均雙樹清虛類八禪栖神

紫臺上縱意白雲邊徒然嗟小藥何由齊大年

王岡奉和往虎窟山寺附

美境多勝迹道場實茲地造化本靈奇人功
燕製置房廊相映屬堦閣並殊異高明留睿
賞清淨穆神思豫遊窮領歷藉此芳春至野
花奪人眼山鶯紛可喜風景共鮮華水石相
輝媚法像無塵染真僧絕名利陪遊旣伏心
聞道方刻意

鮑至奉和往虎窟山寺附

神心倦物序訪道絕塵囂林疎蓋影出風去
管聲遙息徒依勝境稅駕上山椒年還節已
仲野綠氣方韶短葉生喬樹疎花發早條遠
峰帶雲沒流煙雜雨飄復茲承乏者頒名厠
末條願藉連河潤庶影慧燈昭一知衣內寶
方慙茲地遼

陸覃奉和往虎窟山寺附

雞鳴動睥駕柰苑睠晨遊朱鑣陵九達青蓋
出層樓歲華蒲芳岫虹彩被春洲葆吹臨風

遠旌羽映光浮喬枝隱脩逕曲澗衆輕流徘徊花草合瀏亮鳥聲道金盤響清梵涌塔應鳴桴慧雲方靡靡法水正悠悠實歸徒荷教信解愧難酬

王臺卿奉和往虎窟山寺附

我王宗勝道駕言從所之輜軒轉朱轂驪馬躍青絲清渠影高蓋遊樹拂行旗賓徒紛雜沓景物共依遲飛梁通澗道架宇接山基叢花臨廻砌分流繞曲墀誰言非勝境雲山獨

在茲塵情良易著道性故難縈承恩奉教義
方當弘受持

孔燾奉和往虎窟山寺詩附

聖情想區外脂駕出西南前驅聞鳳管後乘
躍龍驂爰遊非逸豫幽谷有靈龕兼覲息心
者宴坐臨清潭禪食寧須稼雲衣不待蠶蘋
芹緣澗壑蘿葛蔓松楠鶯林響初囀春畦藥
欲含惑心隨教遣法味與恩覃庶憑八解力
永滅六塵貪

望同泰寺浮圖

遙看宮佛圖帶壁復垂珠燭銀踰漢汝寶鐸邁
昆吾日起光芒散風吟宮徵殊露落盤恒滿桐
生鳳不離飛幡雜晚虹畫鳥狎晨鳧梵世凌空
下應真蔽景趨帝馬咸千轡天衣盡六銖意樂
開長表多寶現金軀能令苦海渡復使慢山踰
願能同四忍長當出九居

庾肩吾詠同泰寺浮圖附

望園臨柰苑三城對鄴宮還從飛閣內遙見

嶠山中天衣疑拂石鳳翅欲凌空雲霓猶帶
雨蓮井不生桐盤承雲表露鈴搖天上風月
出琛含采天晴幘帶虹周星疑更落漢夢似
今通我后情初照不與伊川同方應捧馬出
永得離塵蒙

王訓奉和同泰寺浮圖附

副君坐飛觀城傍屬大林王門雖八達露塔
復千尋重櫺出漢表層拱冒雲心崑山雕潤
玉麗水瑩明金懸盤同露掌垂鳳似飛禽月

落簷西暗日去柱東侵反流開睿屬擗翰動
神葆願託牢舟返長免愛河深

王臺卿奉和望同恭寺浮圖附

朝光正晃朗涌塔標千丈儀鳳興靈烏金盤
代仙掌積拱承雕桶高簷挂珠網寶地若池
沙風鈴如樹響刻削生千變丹青圖萬象烟
霞時出沒神仙乍來往晨霧半層生飛幡接
雲上遊睨不敢息翔鵬詎能仰讚善資哲人
流詠歸明兩願假舟航末彼彛誰云廣

庾信奉和同泰寺浮圖附

岌岌凌太清
照殿比東京
長影臨雙闕
高層出九城
棋積行雲礙
幡搖慶鳥驚
鳳飛如始泊
蓮合似初生
輪重對月滿
鐸韻擬鸞聲
畫水流全住
圖雲色半輕
露晚盤猶滴
珠朝火更明
雖連博望苑
還接銀沙城
天香下桂殿
仙梵入伊笙
庶聞八解樂
方遣六塵情

蒙預讖悔詩

皇情矜幻俗
聖德愍重昏
制書開攝受
絲綸廣

慧門時英蒲君圓法侶盛天園俱銷五道縛共
蕩四生怨三脩袪愛馬六念靜心猿庭深林彩
豔地寂鳥聲喧上風吹法鼓垂鈴鳴晝軒新梅
含未發落桂聚還翻早煙藏石磴寒潮浸水門
一朝蒙善誘方願遣籠樊

王筠奉和皇太子懺悔應詔附

奉和皇太子懺悔詩仍上皇宸極聖旨卽
疏降同所用十韻私心慶躍得未曾有摺
採餘韻更題鄙

一聖智比明帝德光四海荷負誠攸屬度脫
實斯在懺說濟蒙愚推心屏欺殆名僧引定
慧朝纓列元凱還迷依善導友心由真宰和
鈴混吹音勝幡榮雪彩早蒲欲抽葉新篁向
舒筴翹勤諒懇到歸誠信兼倍睿豔似煙霞
欄杆若珠琲善誘雖欲繼含毫愧文彩

又和皇太子懺悔附

習惡歸禮懺有過稱能改聖德及群生唱說
信兼拯翹心蕩十惡邈誠銷五罪三縛解智

問六塵清法海超然故無著逍遙新有待

蒙華林園戒詩

庸夫耽世樂俗士重虛名三空既難了八風恒
易傾伊余久齊物本自一枯榮弱齡愛箕穎由
來重伯成非爲樂肥遁特是厭逢迎執珪守蕃
國主器作元貞昔日書銀字久自慙宗英斯焉
佩金璽何由廣德聲居高常慮缺持滿每憂盈
茲言信非矯丹心良可明舟航奉睿訓接引降
皇情心燈朗暗室牢舟出愛瀛是節高秋晚汎

寥天氣清郊門光景麗祈年雲霧生紅藥間青
瑣紫露濕丹楹葉疎行逕出泉溜遠山鳴綠衿
依浦戍絳纈拂林征庶蒙八斛益方便六塵輕
脫聞時可去非忝舍重城

旦出興業寺講詩

沐芳肅朝帶駕言抵淨宮羽旗承去影饒吹雜
還風吳戈夏服箭驥馬綠沈弓水照柳初碧煙
含桃半紅由來六塵縛宿昔五纏朦見鶴徒知
謬察象理難一作還同方知惠四辯奚用語三空

遊光宅寺詩應令

陸遊入舊豐雲氣鬱青葱紫陌垂青柳輕槐拂
慧風八泉光綺樹四柱暖臨空翠網隨烟碧丹
花共日紅方欣大雲溥慈波流淨宮

十空六首

如幻

漢安設大響周穆置高臺三里生雲霧瞬息起
冰雷空持生識縛徒用長心災慧人恒棄捨庸
識屢還迴六塵俱不實三界信悠哉

水月

圓輪既照水初生亦映流溶溶如漬璧的的似
沈鈎非關顧兔沒豈是桂枝浮空令誰雅識還
用喜騰猴萬累若消蕩一相更何求

如響

疊障迴參差連峰鬱相拒遠聞如句咏遙應成
言語竟無五聲實誰謂八音所空成顛倒群徒
迷塵縛侶愍哉火宅中茲心良可去

如夢

祕駕良難辯司夢並成虛未驗周爲蝶安知人
作魚空聞延壽賦徒勞岐伯書潛令六識擾安
能二惑除當須耳應蒲然後會真如

如影

朝光照皎皎久漏轉駸駸畫花斜色去夜樹有
輕陰並能興眼入俱持動惑心息形影方止逐
物慮恒侵若悟假名淺方知實相深

鏡象

精金宛成器懸鏡在高堂後挂七龍綢前發四

珠光迴望疑垂月
倚瞻璧璫仁壽含萬類
淮南辯四鄉終歸一
亡有何關至道場

和湘東王名士悅傾城

美人稱絕世麗色譬花叢
雖居李城北住在宋家東
教歌公主第學舞漢成宮
多游淇上水好在鳳樓中
履高疑上砌裾開特畏風
衫輕見跳脫珠概雜青蟲
垂絲遮帷幔落日度房櫳
粧窓柳隔色井水照桃紅
非憐江浦珮羞使春閨空

和徐錄事見內人作詩具

密房寒日晚落照度窻邊紅簾遙不隔輕帷半
捲慙方知纖手製詎減縫裳妍龍刀橫膝上畫
尺墮衣前熨斗金塗色簪管白牙纏衣裁合歡
裙文作鴛鴦連針用雙縫縷絮用八蠶綿香和
麗丘蜜麝吐中臺烟已入琉璃帳兼雜太華氊
且共雕鑪暖非同團扇捐更恐從軍別空牀徒
自憐

戲贈麗人

麗姬與妖嬈共拂可憐粧同安鬟裏撥異侬額

閒黃羅裙宜細簡畫牒重高牆含羞來上砌微

笑出長廊取花爭問色

藝文作寶鐸

扳伎念蕊香但

歌聊一曲鳴絃未肯張自矜心所愛三十侍中

郎

率爾成詠

借問仙將畫詎有此佳人傾城且傾國如雨復
如神漢后憐名燕周王重姓申挾瑟曾遊趙吹
簫屢入秦玉階偏望樹長廊每逐春約黃出意
巧纏絃用法新迎風時引袖避日暫披巾疎花

聯髻插細佩遶衫身誰知日欲薄含羞不自陳

王訓奉和率爾有詠附

殿內多仙女從來難比方別有當窻豔復是
可憐粧學舞勝飛燕染粉薄南陽散黃分黛
色薰衣雜棗香簡釵新輾翠試履逆填牆一
朝恃容色非復守空房君恩若可恃願作雙
鴛鴦

執筆戲書

舞女及燕姬倡樓復蕩婦參差大戾發搖曳小

垂手釣竿蜀國彈新城折楊柳玉案西王桃蠶
杯石榴酒甲乙羅帳異辛壬居嘉暉夜夜有明
月時時憐更衣

徐陵走筆戲書應令閣

此日乍殷勤相嬫不如春今宵花燭淚非是
夜迎人舞席秋來卷歌殘無數塵曾經新代
故那惡故邊新片月窺花簾輕寒入錦巾秋
來應瘦盡偏白著腰身

從頓暫還城

漢渚水初綠江南草復黃
日照蒲心暖風吹梅
蘼香征艫艫湯塹歸騎息
金隍舞觀衣常襞歌
臺絃未張持此橫行去誰
念守空牀

秋閨夜思

非關長信別詎是良人征
九重忽不見萬恨滿
心生夕門掩魚鑰宵牀悲
畫屏迴月臨窻度吟
蟲繞砌鳴初霜實細葉秋
風驅亂螢故粧猶累
日新衣製未成欲知妾不
寐城外搗砧聲

詠內人晝眠

北窓聊就枕南簷日未斜
攀鉤落綺障揜舉琵琶
夢笑開嬌靨眠鬟壓落花
簾文生玉腕香汗浸紅紗
夫壻恒相伴莫誤是倡家

傷美人

昔聞倡女別蕩子無歸期
今似陳王歎流風難重思
翠帶留餘結苔階沒故綦
圖形更非是夢見反成疑
熏鑪含好氣庭樹吐花滋
香燒日有歇花落無還時

變童

嬖童嬌麗質，踐董復超瑕。羽帳晨香滿，珠簾夕
漏賒。翠被含鶯色，雕牀鏤象牙。妙年同小史，姝
貌比朝霞。袖裁連壁錦，牋織細種花。攬袴輕紅
出，迴頭雙鬢斜。嬾眼時含笑，玉手乍攀花。懷猜
非後釣，密愛似前車。定使燕姬妬，彌令鄭女嗟。

倡婦怨情十二韻

綺窗臨畫閣，飛閣繞長廊。風散同心草，月送可
憐光。髣髴簾中出，妖麗特非常。恥學秦羅髻，羞
爲樓上粧。散誕披紅帔，生情新約黃。斜燈入錦

帳微烟出玉房
六安雙玳瑁八幅兩鴛鴦猶是
別時許留值解心傷含涕坐度日
俄頃變炎涼
玉關驅夜雪
金氣落嚴霜
飛狐驛使斷
交河川
路長蕩子無消息
朱脣徒自傷

詠舞二首

戚里多妖麗
重聘茂燕餘
逐節工新舞
嬌態似
凌虛納花承
禰褱垂翠
逐瑞斜扇開
衫影亂巾
度履行疎徒勞交甫憶
自有專城居

可憐稱二八
逐節似飛鴻
懸勝河陽妓
闇與淮

南同入行看履進轉面望鬟空腕動菰華玉衫
隨如意風上客何須起啼鳥未肯終

劉遵應令詠舞附

倡女多豔色入選盡華年舉腕嬾衫重迴腰
覺態妍情繞陽春吹影逐相思弦履度開裾
禪鬟轉匝花鈿所愁餘曲罷爲欲在君前

王訓應令詠舞附

新粧本絕世妙舞亦如仙傾腰逐韻管歛袵
聽張絃袖輕風易入釵重步難前笑態千金

動衣香十里傳將持比飛燕定當誰可憐

徐陵奉和詠舞附

十五屬平陽因來入建章主家能教舞城中
巧畫粧低鬟向綺席舉袖拂花黃燭送空迴
影衫傳篋裏香當由好留客故作舞衣長

庾信和詠舞附

洞房花燭明燕餘雙舞輕頓履隨疎節低鬟
逐上聲步轉行初進衫飄曲未成鸞迴鏡欲
滿鶴顧市應傾已曾天上學詎是世中生